

四庫全書

子部

# 欽定四庫全書

子部  
本草綱目卷十

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官中書臣吳裕德

謄錄監生臣范 庸

欽定四庫全書

本草綱目卷十目錄

金石之四 石類下三十九種

陽起石 本經

慈石 本經

玄石 別錄

代赭石 本經

禹餘糧 本經

太一餘糧 本經

石中黃子 唐本

空青 本經

曾青 本經

綠青 本經

扁青 本經

白青 本經  
綠膚青 碧石青附

石膽 本經  
即膽礬

礬石 本經

特生礬石 別錄

握雪礬石 唐本

砒石 開寶

土黃 綱目

金星石 嘉祐  
金石附

婆娑石 開寶

礞石 嘉祐

花乳石

嘉祐

白羊石

圖經

金牙石

別錄

金剛石

綱目  
石茗附

越砥石

別錄  
即磨刀石

薑石

唐本

麥飯石

圖經

水中白石

拾遺

河沙拾遺

朽上砂綱目

石燕唐本

石蟹開寶

石蛇圖經

石蠶開寶

石鼈綱目

蛇黃唐本

霹靂礎拾遺

雷墨綱目

右附方舊二十五新九十五

本草綱目卷十目錄



欽定四庫全書

本草綱目卷十

明李時珍撰

金石之四

石類下三十種

陽起石

本經中品

釋名羊起石

別錄

白石

本經

石生

時珍曰以能命名

集解

別錄曰陽起石生齊山山谷及琅琊或雲山雲母根也采無時普曰生太山弘景曰此所出與雲母同而

甚似雲但厚異爾今用乃出益州與礬石同處色小黃黑但礬石雲母根未知何者是俗用乃稀仙經服之恭曰此

石以白色肌理似殷孽仍夾帶雲母滋潤者為良故本經一名白石今用純黑如炭者誤矣雲母之黑者名雲騰服之損人則黑陽起石亦必惡矣今齊山在齊州西其無陽起石石乃在齊山西北六七里廬山出之本經雲山或廬字訛也太山沂州惟有黑者白者獨出齊州珣曰太山所出黃者絕佳邢州鵲山出白者亦好頌曰今惟出齊州他處不復有齊州惟一土山石出其中彼人謂之陽起山其山常有溫暖氣雖盛冬大雪徧境獨此山無積白蓋石氣熏蒸使然也山惟一穴官中常禁閉至初冬則州發丁夫遣人監取歲月積久其穴益深鑿他石得之甚難以白色明瑩若狼牙者為上亦有挾他石作塊者不堪每歲采擇上供之餘州中貨之不爾無由得也貨者雖多而精好者亦難得舊說是雲母根其中猶帶雲母今不復見此矣古方服食不見用者今補下藥多便之時珍曰今以雲頭雨脚輕鬆如狼牙者為佳其鋪茸茁角者不佳王建平典術乃云黃白而赤重厚者佳雲母之根也庚辛玉冊云

陽起陽石也齊州揀金山出者勝其失似箭簇者力強如狗牙者力微置大雪中倏然沒者為真

修治

大明曰凡入藥燒後水煨用之凝白者佳時珍曰凡用火中煨赤酒淬七次研細水飛過日乾

亦有燒酒浸過同樟腦入錫升煉取粉用者

氣味鹹微溫無毒

普曰神農扁鵲酸無毒桐君雷公岐伯鹹無毒李當之小寒權曰甘

平之才曰桑螵蛸為之使惡澤瀉茵桂雷九石葵蛇蛻皮畏兔絲子忌羊血不入湯

主治崩中

漏下破子臟中血癥瘕結氣寒熱腹痛無子陰痿不

起補不足

本經

療男子莖頭寒陰下濕痒去臭汗消水

腫久服不饑令人有子

別錄

補腎氣精乏腰疼膝冷濕

痺子宮久冷冷癥寒癥止月水不定甄權治帶下溫疫

冷氣補五勞七傷大明補命門不足好古散諸熱腫時珍

發明宗奭曰男子婦人下部虛冷腎氣乏絕子臟久寒者須水飛用之凡石藥冷熱皆有毒亦宜斟酌

酌時珍曰陽起石右腎命門氣分藥也下焦虛寒者宜用之然亦非久服之物張子和儒門事親云喉痺相火急連之病也相火龍火也宜以火逐之一男子病纏喉風腫表裏皆藥不能下以涼藥灌入鼻中下十餘行外以陽起石燒赤伏龍肝等分細末日以新汲水調掃百遍三日熨始退腫始消此亦從合之道也

附方新丹毒腫痺

陽起石煨研新水調塗元氣虛寒精滑不禁

大腑滯泄手足厥冷陽起石煨研鍾乳粉各等分酒煮附子末同麵糊九梧子大每空心米飲服五十九以愈為度陰痿陰汗陽起石煨為末每服二錢鹽酒下普濟方

慈石

本經中品

釋名玄石

本經

處石

別錄

煬鐵石

衍義

吸鐵石

藏器

曰慈母

之招子故名時珍曰石之不慈者不能引鐵謂之玄石而別錄復出玄石于後

集解

別錄曰慈石生太山川谷及慈山山陰有鐵處則生其陽采無時弘景曰今南方亦有好者能

懸吸鐵虛連三為佳仙經丹房黃白石中多用之藏器曰出雄州北山頌曰今慈州徐州及南海傍山中皆有之慈州者歲貢最佳能吸鐵虛連數十鐵或一二斤刀器回轉不落者尤良采無時其石中有孔

中有黃赤色其上有細毛功用更勝按南川異物志云漲海崎頭水淺而多慈石微外大舟以鐵葉固之者至此皆不得過以此言之海南所出尤多也穀曰凡使勿誤用玄中石并中麻石此二石俱似慈石只是吸鐵不得而中麻石心有赤皮粗是鐵山石也誤服令人生惡瘡不可療真慈石一片四兩吸鐵一斤者此名延年沙四面只吸鐵八兩者名續采石四面吸五兩者名慈石宗奭曰慈石其毛輕紫石上頗濇可吸連鐵俗謂之煖鐵石其玄石即慈石之黑色者慈磨鐵鋒則能指南然常徧東不全南也其法取新續中獨縷以半芥子許蠟綴于鐵腰無風處垂之則鐵常指南以鍼橫貫燈心浮水上亦指南然常徧丙位蓋丙為大火庚辛受其制物理相感爾土宿真君曰鐵受太陽之氣始生之初石產焉一百五十年而成慈石又二百

年孕而成鐵

修治

欒曰凡修事一斤用五花皮一鎰地榆一鎰取綿十五兩二件並判于石上槌碎作二三十塊

將石入瓷瓶中下草藥以東流水煮三日夜漉出拭乾布裹再槌細乃碾如塵水飛過再碾用宗奭曰入藥須火燒醋淬碾末水飛或醋煮三日夜

氣味辛寒無毒

權曰鹹有小毒大明曰甘瀼平藏器曰性溫云寒誤也之才曰柴胡為之

使殺鐵毒消金惡壯丹莽草畏黃石脂獨孤溜曰伏丹砂養永去銅暈

主治周痺風濕

肢節中痛不可持物洗洗酸消除大熱煩滿及耳聾

本經養腎臟強骨氣益精除煩通關節消癰腫鼠瘻頸

核喉痛小兒驚癇鍊水飲之亦令人有子

別錄補男子

腎虛風虛身強腰中不利加而用之

甄權

治筋骨羸弱

補五勞七傷眼昏除煩躁小兒誤吞鍼鐵等即研細

末以筋肉莫令斷與末同吞下之

大明

明目聰耳止金

瘡血

時珍

發明

宗奭曰養腎氣填精髓腎虛耳聾目昏者皆用之藏器曰重可去怯慈石鐵粉之類是也時珍

曰慈石法水色黑而入腎故治腎家諸病而通耳明目一士子頻病目漸覺昏暗生翳時珍用東垣羌活勝風湯加減法與服而以磁硃丸佐之兩月遂如故蓋慈石入腎鎮養真精使神水不外移硃砂入心鎮養心血使邪火不上侵而佐以神麴消化滯氣生熟並用溫養脾胃發生之氣乃道家黃婆媒合嬰捉之



理制方者宜窺造化之奧乎方見孫真人十金石神  
麴九但云明目百歲可讀細書而未發出藥微義也  
孰謂古方不可治今病耶獨孤滔云慈石乃堅頑之  
物無融化之氣止可假其氣服食不可久服渣滓必  
有大患夫藥以治病中病則止砒礪猶可餌服何獨  
慈石不可服耶慈石既鍊未亦匪堅頑之物惟在用  
者能得病情而中的爾淮南萬畢術云慈石懸井亡  
人自歸註云以亡人衣裏慈石懸于井中迷人自反  
也

附方

舊三新  
一十二

耳卒聾閉

煬鐵石半錢入病耳內鐵砂  
末入不病耳內自然通透

直指

腎虛耳聾

真慈石一豆大穿山甲燒存性研一  
字新綿塞耳內口含生鐵一塊覺耳

中如風雨聲即  
通濟生方

老人耳聾

慈石一斤搗末水淘去赤  
汁綿裹之猪腎一具細切

以水五斤煮石取二斤入腎下鹽鼓  
作羹食之米煮粥食亦可 養老方 老人虛損腰風濕

痺痛慈石三十兩白石英二十兩掭碎甕盛水二斗  
浸于露地每日取水作粥食經年氣力強盛顏如童

子 養 陽事不起 慈石五斤研清酒漬二七日  
老方 每服三分日三夜一 千金 眼昏

內障 慈朱丸治神水寬大漸散昏如霧露中行漸視  
空花物成二體久則光不收及內障神水淡綠

淡白色者真慈石火煨醋淬七次二兩硃砂一兩神  
麴生用三兩為末更以神麴末一兩煮糊加蜜九梧

子大每服二十丸空心飯湯下服後俯視不見仰視  
微見星月此其効也亦治心火乘金水衰反制之病

久病累發者服之永不更 小兒驚癇 慈石鍊水飲  
作 倪微德原機啓微集 聖濟錄 子

宮不收 名癰疾痛不可忍慈石丸用慈石酒漫煨研  
末米糊丸梧子大每卧時滑石湯下四十九

次早用慈石散米湯服二錢散用慈石大腸脫肛直

酒浸半兩鐵粉二錢半當歸五錢為末方慈石半兩火煨醋淬七次為末每空心米飲服一錢簡便方用慈石末麴糊調塗顙上入後洗去

金瘡腸出

納入以慈石滑石各三兩為末米飲服方寸七日再劉涓子鬼遺方金瘡

血出

慈石末傅之止痛斷血千金方誤吞鐵鐵真慈石聚核大鑽孔線穿吞拽之立

出錢相

丁腫熱毒慈石末酢和封之拔根立出諸般腫毒

吸鐵石三錢金銀藤四兩黃丹八兩香油一斤如常焚膏貼之乾坤祕韞

磁石毛氣味鹹溫無毒主治補絕傷益陽道止小便

白數治腰脚去瘡癰長肌膚令人有子宜入酒藏器曰本

經言石不言毛  
毛石功狀殊也

玄石

別錄  
中品

釋名玄水石

別錄處石  
時珍曰玄  
以色名

集解

別錄曰玄石生太山之陽山陰有銅銅者雌鐵  
者雄弘景曰本經慈石一名玄石別錄又出玄

石一名處石名既同療體又相似而寒溫銅鐵畏惡  
有異俗方不用亦無識者不知與磁石相類否恭曰  
此物鐵液也慈石中有細孔孔中黃赤色初破好者  
能拾鐵吸鐵其無孔而光澤純黑者玄石也不能拾  
療體亦劣于慈石頌曰今北番以慈石作禮物其塊  
多光澤吸鐵無力疑即此玄石也醫方罕用時珍曰  
慈石生山之陰有鐵處玄石玄石生山之陽有  
銅處雖形相似性則不同故玄石不能吸鐵

氣味鹹溫無毒

之才曰畏松脂柏實菌桂

主治大人小兒驚癇女

子絕孕小腹冷痛少精身重服之令人有子

別錄

代赭石

本經下品

釋名須丸

本經

血師

別錄

土硃

綱目

鐵硃

別錄

曰出代郡者

名代赭出姑幕者

名須丸時珍曰赭赤色也代即雁門也今俗呼為土硃鐵硃管子云山上有赭其下有鐵鐵硃之名或緣

此不獨因其形色也

集解

別錄

曰代赭生

齊國山谷赤紅青色如雞冠有

澤染爪甲不渝者良采無時弘景曰是代郡城

門下赤土也江東久絕俗用乃踈而為仙方之要與

戎鹽鹵鹹皆是急須恭曰此石多從代州來云山中

戎鹽鹵鹹皆是急須恭曰此石多從代州來云山中

采得非城門下土也今齊州亭山出赤石其色有赤  
紅青者其赤者亦如雞冠且潤澤土人惟采以丹楹  
柱而紫色且脂與代州出者相似古來用之今靈州  
鳴沙縣界河北平地掘深四五尺得者皮上赤滑中  
紫如雞肝大勝齊代所出者頌曰今河東江東山中  
亦有之古方紫丸治小兒用代赭云無真以左顧牡  
蠣代使乃知真者難得今醫家所用多擇取大塊其  
上文頭有如浮溫丁者為勝謂之丁頭代赭北山經  
云少陽之山中多美赭西山經云石脫之山灌木出  
焉中有流赭以塗牛馬無病郭璞注云赭赤土也今  
人以塗牛角云辟惡時珍曰赭石處處山中有之以  
西北出者為良宋時虔州歲貢萬金崔昉外丹本草  
云代赭陽石也與太乙餘根並生山峽中所之作朱  
色可點書又可卷金益色赤張華以赤土拭寶劍陪  
益精明  
即此也

修治

色如簿雲者去之乃用細茶脚湯煮一伏時取出又研一萬匝以淨鐵鑊燒赤下白蜜蠟一兩待化投新汲水冲之再煮一二十沸取出晒干用時珍曰

今人惟煨赤以醋淬三火或七火研水飛過用取其相制并為肝經血分引用也相感志云代楮以酒醋

炙之挿鐵釘于內扇之成汁

氣味苦寒無毒

別錄曰甘權曰甘平之才曰畏天雄附子乾薑為之使

主治鬼

疰賊風蠱毒殺精物惡鬼腹中毒邪氣女子赤沃漏

下

本經

帶下百病產難胞不出墮胎養血氣除五臟血

脈中熱血痺血瘀大人小兒驚氣入腹及陰痿不起

別錄 安胎健脾止反胃吐血鼻衄月經不止腸風痔瘻

瀉痢脫精遺溺夜多小兒驚癇疳疾金瘡長肉辟鬼

魅明大

發明

好古曰代赭入手少陰足厥陰經怯則氣浮重

寒汗吐下後心下痞鞭噫氣不深者旋覆代赭湯主

之用旋覆花二兩代赭石一兩人參二兩生薑五兩

甘草三兩半夏半斤大棗十二枚水一斗煮六升去

滓再煎三升溫服一升日三服時珍曰代赭乃肝與

包絡二經血分藥也故所主治皆三經血分之病昔

有小兒瀉後眼上三日不乳目黃如金氣將絕有名

醫曰此慢驚風也宜治肝用水飛代赭附方 舊二新

石末每服半錢冬瓜仁煎湯調下果愈 附方 一十四



哮喘有聲

卧睡不得土硃末

醋調普濟方

傷寒無汗

代赭石乾

薑等今為未熟醋調塗兩手心合掌握定夾

傷寒蘊要

嬰兒瘡

疾

無計可施代赭石五枝煨紅醋淬硃砂五分砒霜一豆大同以紙包七重打濕煨乾入麝香少許為

未看油調一字塗鼻尖上及眉心四肢神應

急慢驚風

吊眼撮口搐搦不定代赭

石火燒醋淬十次細研水飛日乾每服一錢或半錢煎真金湯調下連進三服兒脚脛上有赤斑即是驚

氣已出病當安也無斑點者不可治直指方

慢肝驚風

方見

小腸疝氣

代赭

石火煨醋淬為末每白湯服二錢壽咸方

腸風下血

血師一兩火煨米醋淬盪醋一升搥

羅如麴每服一錢白湯下斗門

吐血衄血

方同

墮胎下血

不止代赭石末一錢

生地黃汁半盞調日三五  
次以瘕為度 聖藥錄

婦人血崩 諸石火燉醋淬  
七次為末日湯

服二錢 普濟方 赤眼腫閉 土硃二分石膏一分為末新汲水  
調傳眼頭尾及太陽穴 直指方

喉痺腫痛 紫硃煮汁飲 普濟方 牙宣有蜜 土硃荆芥同研  
普濟方

諸丹熱毒 土硃青黛各二錢滑石荆芥各一錢為末  
每服一錢半蜜水調下仍外傳之 直指

方一切瘡癰 土硃龍丹牛皮膠等分為末好酒一盞  
沖之澄清服以渣傳之乾再上 朱氏

集驗 百合病發 已汗下復發者百合七個擘破泉水  
浸一宿赭一兩滑石三兩泉水二鍾

灸一鍾入百合汁再煎  
一鍾溫服 傷寒蘊要

附錄 藏器曰出淄川北海山谷土石中如赤土代赭  
之類土人以當朱呼為赤石一名零陵恐是代

赭之類味甘平溫無毒主驚恐身熱邪氣鎮心久服  
令人眼明悅澤時珍曰此亦他方代赭耳故其功效  
不甚相  
遠也

禹餘糧

本經上品

釋名白餘糧

時珍曰石中有細粉如麴故曰餘糧俗呼為太一禹餘糧見太一下承曰會稽

山中出者甚多彼人云昔太禹會稽于此餘糧者本為此耳

集解

別錄曰禹餘糧生東海池澤及山嶺中或池澤中弘景曰今多出東陽形如鵝鴨卵外有殼重

疊中有黃細末如蒲黃無沙者佳近年茅山鑿地大得之極精好狀如牛黃重重甲錯其佳處乃紫色麻  
靡如麴臍之無復瘳仙經服食用之南人又呼平澤  
中一種藤葉如菰葉根作塊有節似菰葉而色赤味

似薯蕷謂為禹餘糧此與生池澤者復有髣髴或疑  
今石即是太一也頌曰今惟澤州潞州有之舊說形  
如鵝鴨卵外有殼今圖上者全是山石之形都不作  
卵狀與舊說小異采無時張華博物志言扶海洲上  
有蒺藜草其實食之如大麥名自然穀亦名禹餘糧世  
傳禹治水棄其所餘食于江中而為藥則蒺藜草與此  
異物同名抑與生池澤者同種乎時珍曰禹餘糧乃  
石中黃粉生于池澤其生山谷者為太一餘糧本文  
明白陶引藤生禹餘糧蕪引草生禹餘糧雖  
名同而實不同殊為迂遠詳太一餘糧下

修治

弘景曰凡用細研水洗取汁澄之  
勿令有沙土也數日見太一下

氣味甘寒無毒

別錄曰平權曰賦之才曰壯  
丹為之使伏五金制三黃

主治效

逆寒熱煩滿下赤白血閉癥瘕大熱鍊餌服之不饑

輕身延年

本經

療小腹痛結煩疼

別錄

主崩中

甄權

治邪氣

及骨節疼四肢不仁痔瘻等疾久服耐寒暑明催生

固大腸

時珍

發明

成時

無已曰重可去怯禹餘糧之重為鎮固之劑

故主下焦前後諸病李知先詩曰下焦有病人難會

須用餘糧赤石脂抱朴子云禹餘糧九日再服三日

附方

新舊

六三大腸欬嗽欬則遺失者赤石脂禹餘糧

勞腸泄

不止神效太一丹禹餘糧四兩火煨醋淬烏頭一兩冷水浸一夜去皮臍焙為末醋糊丸

梧子大每食煎溫水下五九聖惠丸

傷寒下痢

不止心下痞  
下焦者赤石脂禹餘糧

升煮取一升去滓分再服  
仲景傷寒論要

赤白

帶下

禹餘糧火燉醋淬乾薑等分赤下乾薑減半為末空心服二錢匕勝金方

崩中漏

下青黃赤白使人無子禹餘糧心等分為末溫酒服

方寸七日服忌葱蒜  
張文仲備急方

育腸氣痛

婦人少腹痛禹餘糧  
為末每米飲服二錢

日  
二服極效  
衛生易簡

產後煩躁

禹餘糧一  
枝狀如酸  
饑者入地  
埋一半緊  
築炭灰一

斤煨之濕土罨一宿打破去外面石取裏面細者研水淘五七度日乾再研萬遍用甘草湯服二錢一服

立效  
經驗方  
身面癰痕

禹餘糧半夏等分為末雞子黃和  
傅先以布拭赤勿見風日三十日

經驗方

十年者亦減  
聖濟錄

大風癘疾

眉髮落落遍身頑痺  
二斤白礬一斤青鹽一斤為

末雖子固濟炭火一秤煨之從辰至戌候冷研粉埋  
土中三日取出每一兩入九蒸九暴炒熟胡麻末三

兩每服二錢荊芥茶  
下日二服  
聖惠方

大一餘糧

本品經

釋名石腦

經本

禹哀

吳晉藏器曰太一者道之宗源太  
者大也一者道也太一者道之師即理

化神君禹之師也師嘗服之故有太一之名張司空  
云還魂石中黃子鬼物禽獸守之不可妄得會稽有

地名夢出餘糧土人掘之以物請買所請  
有數依數必得此猶有神豈非太一乎

集解

別錄曰太一餘糧生太山山谷九月采生太山  
上有甲甲中有白白中有黃如雞子黃色采無

時弘景曰本草有太一餘糧禹餘糧兩種治體相同而今世惟有禹餘糧不復識太一登真隱訣長生四鎮九云太一禹餘糧定六腑鎮五臟合其二名莫辨何者的是今人亦總呼為太一禹餘糧有人于銅官采空青于石坎大得黃赤色石極似今之餘糧而色過赤好疑此是太一也彼人呼為雌黃塗物正如雄色恭曰太一餘糧及禹餘糧乃一物而以精粗為名爾其殼若瓷方圓不定初在殼中未凝結猶是黃水名石中黃子久凝乃有數色或青或白或赤或黃年多變赤因赤漸紫紫及赤者俱名太一其諸色通謂禹餘糧今太山不見采得而會稽王屋澤潞州諸山皆有陶云黃赤色疑是太一然無殼裹殊非的稱澱曰凡使勿誤用石中黃并卵石黃二石真相似其石中黃句裏赤黑黃味淡微阻卵石黃味酸个箇印印內有子一塊不堪用若誤餌之令人腸乾太一餘糧看即如石輕敲便碎如粉兼重重如葉子雌黃也宗



藥曰太一餘糧是用其殼也故入藥須火燒醋淬石  
中黃是殼中乾者及細水者石中黃水是未成餘糧  
黃濁水也時珍曰按別錄言禹餘糧生東海池澤及  
山島太一餘糧生太山山谷石中黃出餘糧處有之  
乃殼中未成餘糧黃濁水也據此則三者一物也生  
于池澤者為禹餘糧生于山谷者為太一餘糧其中  
水黃濁者為石中黃其說本明而注者臆度反致義晦  
如石者為石中黃其說本明而注者臆度反致義晦  
晉宋以來不分山谷池澤所產故通呼為太一禹餘  
糧而蘊恭復以紫赤色者為太一諸色為禹餘糧  
由未加詳究本文也寇宗奭及醫方乃用石殼為禹  
餘糧殊不察未成餘糧黃濁水之文也其殼粗頑不  
入藥庚辛玉冊云太一禹餘糧陰石也所在有之片  
片層疊深紫色中有黃土名曰石黃其性最熱冬月  
有餘糧處其雪光消雲林石譜云鼎州祈閣山出石  
石中有黃土目之為太一餘糧色紫黑礪瑣大小圓

扁外多粘綴碎石滌去黃土即空虛可貯水為硯滴  
丹方鑑云五色餘糧及石中黃皆可乾未出金色

修治

教曰凡修事用黑豆五合黃精五合水二斗煮  
取五升置甕鍋中下餘糧四兩煮之旋添汁盡

為度其藥氣自然香如新  
米搗了又研一萬杵方用

氣味甘平無毒

普曰神農岐伯雷公甘平李當之小  
寒扁鵲甘無毒之才曰杜仲為之使

畏貝母  
菖蒲鐵落

主治欬逆上氣癰瘕血閉漏下除邪氣肢

節不利久服耐寒暑不饑輕身飛行千里神仙

經本治

大飽絕力身重

別錄

益脾安臟氣

雷斅

定六腑鎮五臟

弘景

發明

時珍曰禹餘糧太一餘糧石中黃水性功用  
皆同但入藥有精粗之等爾故服食家以黃水

為上太一次之禹餘糧又次之列仙傳  
言已戎赤斧上華山餌禹餘糧即此

# 石中黃子

唐本草

## 釋名

宗奭曰子當作水既云黃濁水焉得名子

## 集解

恭曰此禹餘糧穀中未成餘糧黃濁水也出餘糧處有之頌曰今惟河中府中條山谷出之其

石形如麴劑紫黑色石皮內黃色者謂之中黃葛洪抱朴子云石中黃子所在有之沁水山尤多在大石中其石常潤濕不燥打其石有數十重見之赤黃溶溶如雞子之在殼中也即當未堅時飲之不爾便漸堅凝如石不中服也破一石中多者有一升少者數合可預服之機曰石中乾者及細末者當名餘糧不當名石中黃詳本文未成餘糧四字可見時珍曰餘糧乃石中已疑細粉也石中黃則堅凝如石者也石

中黃水則未凝者也故雷斅云用餘糧勿用石中黃是矣

氣味甘平無毒主治久服輕身延年不老

唐本

空青

本經上品

釋名楊梅青

時珍曰空言質青言色楊梅言似也

集解

別錄曰空青生益州山谷及越嶲山有銅處銅精熏則生空青其腹中空三月中采亦無時能

化銅鐵鉛錫作金弘景曰越嶲屬益州益州諸郡無復有恐久不采之故也今出銅官者色最鮮深出始興者弗如涼州高平郡有空青山亦甚多今空青但圓實如鐵珠無空腹者時鑒土石中取之而以合丹成則化鈆為金諸石藥中惟此最貴醫方乃希用之而多克畫色殊為可惜恭曰出銅處兼有諸青但空

青為難得今出蔚州蘭州宣州梓州宣州者最好塊  
段細時有腹中空者蔚州蘭州者片塊大色極深無  
空腹者陶氏所謂圓實如鐵珠者乃白青也大明曰  
空青大者如雞子小者如相懸子其青厚如荔枝殼  
其內有漿酸甜藏器曰銅之精華大者即空綠次即  
空青也頌曰今饒信州亦時有之狀若楊梅故名楊  
梅青其腹中空破之有漿者絕難得宗奭曰真宗常  
詔取空青中有水者久而方得其楊梅青信州穴山  
而取極難得治醫極有功中亦或有水者用與空青  
同第有優劣爾時珍曰張果玉洞要訣云空青似楊  
梅受赤金之精甲乙陰霸之氣近泉而生久而含潤  
新從坎中出鑽破中有水久即乾如珠金星燦燦庚  
辛玉冊云空青陰石也產上饒似鍾孔者佳大片含  
紫色有光采次出蜀嚴道及北代山生金坎中生  
不已故青為之丹有如拳大及卵形者中空有水如  
油治盲立効出銅坑者亦佳堪畫又有楊梅青石青

皆是一體而氣有精粗點化以曾青為上空青火之  
楊梅青又火之造化指南云銅得紫陽之氣而生綠  
綠二百年而生石綠銅始生其中馬曾空二青則石  
綠之得道者均謂之鑛又二百年得青陽之氣化為  
銚石觀此諸說則空青有金坑銅坑二種或大如拳  
卵小如豆粒或成片塊或若楊梅雖有精粗之異皆  
以有漿為上不空無漿者為下也方家以藥塗銅物  
生青刮下偽作空青者終是銅青非石綠之得道者  
也

氣味甘酸寒無毒

別錄曰大寒權曰畏兔絲子酒浸醋拌制過乃可變化

主治

青盲耳聾明目利九竅通血脈養精神益肝氣久服

輕身延年

本經

療目赤痛去膚翳止淚出利水道下乳

汁通關節破堅積令人不忘志高神仙

別錄

治頭風鎮

肝瞳人破者得再見物

甄權

鑽孔取漿點多年青盲內

障翳膜養精氣其殼摩翳

大明

中風口喎不正以豆許

含嚥甚效

時珍出  
范汪方

發明

保昇曰空青法水故色青面主肝頌曰治眼翳障為最要之藥時珍曰東方甲乙是生肝膽其

氣之清者為肝血其精英為膽汁開竅于目血五臟之英皆因而注之為神膽汁充則目明汁減則目昏銅亦青陽之氣所生其氣之清者為綠猶肝血也其精英為空青之漿猶膽汁也其為治目神藥蓋亦以類相感應耳石中空者埋土中三五日自有漿水

附方

新舊二眼目瞢瞢

一宿點之千金方黑翳癢瞳

空青礬石燒各一兩貝子膚翳昏暗去皮一兩片腦

三錢細研日一切目疾雀目赤目青盲內外障翳風

點聖濟錄梅青洗淨胡黃連洗各二錢半槐牙日未出時勿語

為末一錢半為末入龍腦一字密收每卧時嗽口仰

頭吹一字入兩鼻內便睡隔夜便用聖濟錄

曾青

本品

釋名

時珍曰曾音層其青層層而生故名或云其生從實至空從空至層故曰曾青也



集解

別錄曰曾青生蜀中山谷及越嵩采無時能化金銅晉曰生蜀郡石山其山有銅處曾青出其

陽青者銅之精弘景曰舊說與空青同山瘵體亦相似今銅官更無曾青惟出始興形累累如黃連相綴色理相類空青甚難得而貴仙經少用之化金之事法同空青恭曰出蔚州者好鄂州者次之餘州並不任用時珍曰但出銅處年古即生形如黃連相綴又如蚯蚓尿方稜色深如波斯青黛層層而生打之如金聲者為真造化指南云層青生銅礦中乃石綠之得道者肌膚得東方正色可以合鍊大丹點化與三黃齊軀衡山記云山有層青岡出層青可合仙藥

修治

毀曰凡使勿用夾石及銅青每一兩要紫背天葵甘草青芝草三件乾濕各一鑑細剉放瓷鍋

內安青于中東流水二鑑緩緩煮之五晝夜勿令水火失時取出以東流水浴過研乳如粉用

氣味酸小寒無毒

之才曰畏克絲子獨孤溜云曾青住大成膏可結汞制丹砂蓋合金

氣所生也須酒醋清煮用葛洪曰曾青塗鐵色赤如銅

主治目痛止淚出風痺

利關節通九竅破癥堅積聚久服輕身不老

本經

養肝

膽除寒熱殺白蟲療頭風腦中寒止煩渴補不足盛

陰氣

別錄

發明

時珍曰曾青治目義同空青古方辟邪太乙神精丹用之扁鵲治積聚留飲有層青九並見古

今錄驗方藥多不錄

附方新斑瘡入目

不退者曾青一錢丹砂二錢為末  
蟬螬五枚搗汁和點  
聖濟錄

風熱目病

曾青散治一切風熱毒氣上攻目赤或爛怕日羞明隱瀉眵淚或痒或痛曾青四兩

蔓荆子二兩白薑炮防風各一兩為末每以少許畜鼻中立有功效

和劑局方

耳內惡瘡

曾青五錢雄黃七錢半黃芩二錢五分為末傅之

衛生寶鑑

綠青

本經上品

釋名石綠

唐本大綠綱目

集解

別錄曰綠青生山之陰穴中色青白弘景曰此即用畫綠色者亦出穴青中相挾帶今畫工呼

為碧青而呼穴青作綠青正相反矣恭曰綠青即扁青也畫工呼為石綠其碧青即白青也不入畫用頌

曰舊不著所出州土但云生山之陰穴中次空青條上云生益州山谷及越嶲山有銅處此物當是生其

山之陰爾今出韶州信州其色青白畫工用為綠色者極有大塊其中青白花文可愛信州人琢為腰帶器物及婦人服飾其入藥常用顆塊如乳香者佳宗奭曰其色黑綠色者佳時珍曰石綠陰石也生銅坑中乃銅之祖氣也銅得紫陽之氣而生綠綠久則成石謂之石綠而銅生於中與空青曾青同一根源也今人呼為大綠范成大桂海志云石綠銅之苗也出廣西古江有銅處生石中質如石者名石錄一種脫爛如碎土者名泥綠品最下大明會典云青綠石礦淘淨綠六十一兩四錢暗色綠每礦一斤淘淨綠一十兩八錢硃砂一十五兩五錢

氣味時珍曰主治益氣止洩痢療鼻別錄吐風痰甚

效  
頌蘊

發明

頌曰今醫家多用吐風痰其法揀上色精好者研篩水飛再研如風痰眩悶取二三錢同生龍

腦三四豆許研勻以生薄荷汁合酒溫調服之偃卧須臾涎自口角流出乃愈不嘔吐其功速于他藥今

人用之比比皆效故著之宗奭曰同硃砂作吐上涎藥驗則驗矣亦能損心時珍曰痰在上宜吐之在下

宜利之亦須觀人之虛實強弱而察其脈乃可投之初虞世有金虎碧霞之戒正此意也金虎丹治風痰

用大雄賦  
粉諸藥者

附方

新急驚昏迷不省人事石綠四兩輕粉一錢為末薄荷汁入酒調一字服取吐

全嬰風痰迷悶

碧霞丹用石綠十兩烏頭尖附子尖蠅稍各七十箇為末糊九熨于大每

服一丸薄荷汁入酒半合化下  
須臾吐出痰涎和劑局方

小兒疳瘡

腎疳鼻疳頭瘡耳瘡

久不差者石綠白芷等分為末先以甘腋下胡臭石  
草水洗磨拭淨傳之一日愈 集玄方

三錢輕粉一錢濃醋調  
塗五次斷根 集玄方

扁青

本經上品

釋名石青

綱目

大青

時珍曰扁以形名

集解

別錄曰扁青生朱厓山谷武都朱提采無時弘  
景曰朱提音殊匙在南海外仙經俗方都無用

者晉曰生蜀郡恭曰此即綠青也朱厓已南及林邑  
扶南舶上來者形塊大如拳其色又青腹中亦時有  
空者武昌者片塊小而色更佳簡州梓州者形扁作  
片而色淺時珍曰蘓恭言即綠青者非也今之石青  
是矣繪畫家用之其色青翠不渝俗呼為大青楚蜀  
諸處亦有之而今貨石青者有天青大青西夷回回

青佛頭青種種不同而回青尤貴本草  
所載扁青層青碧青白青皆其類耳

氣味甘平無毒

普曰神農雷公小寒無毒

主治目痛明目折跌癰

腫金瘡不瘳破積聚解毒氣利精神久服輕身不老

本經

去寒熱風痺及丈夫莖中百病益精

別錄

治丈夫內

絕令人有子

吳普

吐風痰癰癩平肝

時珍

附方

新

頑痰不化

石青一兩石綠半兩並水飛為末  
麴糊丸綠豆大每服十九溫水下

吐去痰一二益不損人  
瑞竹堂方

白青

本經上品

釋名碧青魚目青

唐本

集解

別錄曰白青生豫章山谷采無時可消為銅劍辟五兵弘景曰醫方不用市無賣者仙經三十

六水方中時有須處銅劍之法在九元子術中恭曰此即陶氏所云空青圓如鐵珠色白而腹不空者是也研之色白如碧亦謂之碧青不入董用無空青時亦用之名魚目青以形似魚目故也今出簡州梓州者好時珍曰此即石青之屬色深者為石青淡者為碧青也今繪彩家亦用范子計然云白青出弘農豫章而新淦青色者善淮南萬畢術云白青得鐵即化為銅也

氣味甘酸鹹平無毒

晉曰神農甘平雷公鹹無毒

主治明目利九

竅耳聾心下邪氣令人吐殺諸毒三蟲久服通神明



輕身

本經

附錄綠膚青

別錄曰味辛鹹平無毒主蟲毒及蛇菜肉諸毒惡瘡不可久服令人癯一名推

青一名推石生益州山谷弘景曰俗方仙經無用人亦不識

碧石青

別錄曰味甘無毒主明目

益精去白  
癰延年

石膽

本經上品

釋名膽礬目黑石

本經

畢石

本經

君石

當

銅勒

吳普

立制石

時珍曰膽以色味命名俗因其似礬呼為膽礬

集解

別錄曰石膽生秦州羌道山谷大石間或羌里句青山二月庚子辛丑日采其為石也青色多

白文易破狀似空青能化鐵為銅合成金銀弘景曰  
仙經時用俗方甚少此藥始絕今人時有采者其色  
青綠狀如琉璃而有白文易破折梁州信都無復有  
俗乃以青色礬當之殊無髣髴恭曰此物出銅處有  
之形似曾青兼綠相間味極酸苦磨鐵作銅色此是  
真者出蒲州虞鄉縣東亭谷窟及薛集窟中有塊如  
鷄卵者為真陶云似琉璃者乃綠礬也比來人亦以  
充之又以醋揉青礬為之並偽矣頌曰今惟信州鉛  
山縣有之生於銅坑中采得煎鍊而成又有自然生  
者尤為珍貴並深碧色今南方醫人多使之又著其  
說云石膽最上出蒲州大者如拳小者如桃李擊之  
縱橫解皆成疊文色青見用久則綠擊破其中亦青  
其次出上饒曲江銅坑間者粒細有蘆稜如釵股米  
粒本草言偽者以醋揉青礬為之全不然而取粗惡  
石膽合消石銷溜而成之塊大色淺渾渾無脈理擊  
之則碎無蘆稜者是也亦氣扶石者乃削取石膽牀

溜造時投消石中乃疑則相著也時珍曰石膽出蒲  
州山穴中鴨臂色者為上俗呼膽礬出羌里者色少  
黑次之信州又次之此物乃生于石其經煎鍊者即  
多偽也但以火燒之成汁者必偽也塗于鐵及銅上  
燒之紅者真也又以銅器盛水投少許入中及不青  
碧數日不異者真也玉洞要訣云石膽陽石也出嵩  
岳及蒲州中條山稟靈石異氣形如琴瑟其性流通  
精感入石能化五金變化無窮沈括筆談載鉛山有  
苦泉流為澗挹水焚之則成膽礬所焚之釜久亦  
化為銅也此乃煎焚作偽非真石膽也不可入藥

氣味酸辛寒有毒

善曰神農酸小寒李當之大寒桐  
君辛有毒扁鵲苦無毒大明曰酸

瀉無毒權曰有大毒之才曰水英為  
之使畏牡桂茵桂羌花辛夷白微

主治明目目痛

金瘡諸癰瘰女子陰蝕痛石淋寒熱崩中下血諸邪

毒氣令人有子鍊餌服不老久服增壽神仙

本經

散癥

積刻逆上氣及鼠瘻惡瘡

別錄

治虫牙鼻內息肉明帶

下赤白面黃女子臟急入吐風痰藥最快

燕頌

發明

時珍曰石膽氣寒味酸而辛入少陽膽經其性收斂上行能涌風熱痰涎於散風火相火又能

殺蟲故治咽喉口齒瘡毒有奇功也周密蘇東時語云密過南浦有老醫授治喉痺極速垂死方用真鴨

腎膽礬末醋調灌之大吐膠痰數升即瘥臨汀一老兵妻苦此絕水粒三日矣如法用之即瘥凡用無不

立驗神方也又周必大陰德錄云治蠱脹及水腫秘方有用蒲州信州膽礬明亮如翠琉璃似鴨腎者未

醋炙以君臣之藥服之勝于鐵砂鐵蛾蓋膽礬乃銅之精液味辛酸入肝膽制脾鬼故也安城魏清臣腫

科黑九子消腫甚  
妙不傳即用此者

附方

一舊五新

老小風痰

膽礬末一錢小兒一字溫醋  
湯調下五吐涎便醒譚氏

小兒

女人頭運

天地轉動名曰心眩非血風也膽子  
礬一兩細所用胡餅剉子一筒按平

一指厚以篋子勒成散子大塊勿界斷于瓦上焙乾  
每服一散子為末燈心竹茹湯調下許學士本事

方喉痺喉風

二聖散用鴨背膽礬二錢半白僵蠶炒  
五錢研每以少許吹之吐涎濟生方

齒痛及落

研細石膽以人乳和膏擦之日三四次止  
痛復生齒百日後復故乃止每日以新汲

水漱淨

王口舌生瘡

衆療不差膽礬半兩入銀鍋  
內火煨赤出毒一夜細研每

以少許傳之吐去酸涎

水二三度瘥

走馬牙疳

北棗一枝去核入  
鴨背膽礬紙包煨

赤出八毒研末傳之小兒齒疳鴨背膽礬一錢是上

追涎楊起簡便方傳齬上立效小兒鼻疳蝕爛膽礬燒烟盡研末搽風

眼赤爛膽礬三錢燒研泡湯百虫入耳膽礬末和醋

千金風犬咬毒膽礬末傳之立一切諸毒膽礬末和

如雞頭子大以朱砂為衣仍以朱砂挑生蠱毒胸者

膽礬二錢茶清泡服即腋下胡鼻膽礬半生半熟入

吐出嶺南衛生方用半錢以自然薑汁調塗十分熟痛乃止赤白癰風

數日一用以愈為度黎居士簡易方膽礬壯蠟粉各半兩生甲疽腫痛石膽一兩燒烟盡

研醋調摩之聖濟錄甲疽腫痛石膽一兩燒烟盡

五度瘰癧  
梅師方痔瘡熱腫  
鴨背青膽礬  
傳可以消脫  
直指方  
腫毒不

破膽礬雀屎各少許  
點之  
直指方  
楊梅毒瘡  
醋調膽礬末搽之痛  
甚者加乳香沒藥出

惡水一二日即乾  
研不見星入香油津  
又方膽礬白礬水銀各三錢半  
兩足心以兩手心對足心摩擦良久再塗再擦盡即  
卧汗出或大便去垢口出穢涎為驗  
每一次強者用  
四錢弱者二錢連用三日外服  
疎風散并澡洗  
劉氏經驗方

礬石  
本經下品

釋名白礬石  
太白石  
錄別  
立制石  
經本  
青介石  
固羊

石  
經本  
石鹽  
錄別  
澤乳  
普鼠鄉  
吳普時珍曰礬義不解許  
氏說文云礬毒石也西山

經云卑塗之山有白石其名曰礬可以毒鼠郭璞注云鼠食則死蠶食而肥則鼠鄉之意以此

**集解**

別錄曰礬石生漢中山谷及少室采無時常之曰或生少室或生魏興十二月采弘景曰今蜀

漢亦有而好者出南康南野溪及彭城界中汶陽縣南塹又湖東新寧及零陵皆有白礬石能柔金以黃泥包炭火燒之一日一夕則解可用丹房及黃白術多用之恭曰此石能耐火久燒但解散不可脫其堅今市人乃取潔白理石當之燒即為灰也今漢川武當西連坂名礬石谷即是真出處少室有粒細理不如漢中者頌曰今梁州階州亦有之時珍曰詳見特牛礬石下

**氣味辛大熱有毒**

別錄曰甘生溫熟熱普曰神農岐伯辛有毒桐君黃帝甘有毒權曰

甘有小毒欒丹為之使惡馬目毒公鷺尿虎掌細辛畏水良棘針為之使惡馬目毒公鷺尿虎掌細辛畏水



主治寒熱鼠瘻蝕死肌風痺腹中堅癖邪氣

本經

除熱

明目下氣除膈中熱止消渴益肝氣破積聚瘕冷腹

痛去鼻中息肉久服令人筋攣火鍊百日服一刀圭

不鍊服則殺人及百獸

別錄

除胸膈間積氣去冷濕風

痺瘰癧積年者

甄權

發明

弘景曰常取生礬石納水令水不冰如此說則生者性亦大熱矣張仲景云生用破人心肝恭

曰此藥攻擊積冷之病為良若以餘物代之療病無效正為此也宗奭曰治久積及久病腹冷用功直須慎用其毒不可試也時珍曰礬石性氣與砥石相近蓋亦其類也古方礬石礬石常相渾書蓋二字相似

故誤耳然礬石性寒無毒礬石性熱有毒不可不審  
陸農師云礬石之力十倍鍾乳按洪容齋隨筆云王  
子敬靜息帖言礬石深是可疑凡喜散者輒發癰蓋  
散者寒食散也古人多服之中有礬石性熱有毒故  
云深可疑也劉表在荊州與王粲登彭山見一岡不  
生百草繁曰此必古冢其人在世服生礬石熱不出  
外故草木焦滅表掘之果有礬石滿塋又今洛水不  
冰下亦有礬石人謂之溫洛是也取此石安甕中水  
亦不冰文鶴伏耶取石置巢中以助溫氣其性如此  
豈可服乎兄文安公鎮金陵秋暑減食醫者湯三益  
教服礬石丸已而飲啖日進遂加意服之越十月而  
毒作衄血斗餘自是數數不止竟至精液皆竭而死  
時珍竊謂洪文安之病未必是礬石毒發蓋亦因其  
健啖自恃厚味房勞縱恣無忌以致精竭而死夫因  
感食而服石食既進則病去藥當止矣而  
猶服之不已恃藥妄作是果藥之罪歟

附方

一新

風冷脚氣

白礬石煨二斤酒三斗漬三日稍稍飲之

肘后方

特生礬石

別錄下品

釋名蒼礬石

蒼石

別錄鼠毒

恭曰特生礬石一名蒼礬石梁州礬石亦有青

者漢中人亦以毒鼠不入方用宗奭曰礬石特生者石止是一物但以特生不特生為異耳所謂特生者不附著他石為特爾今用者絕少時珍曰礬石有蒼白二種而蒼者多特生故此云一名蒼礬石則別錄蒼石係重出矣其功療皆相同今併為一

集解

別錄曰特生礬石一名蒼礬石生西域采無時又曰蒼石生西域采無時弘景曰舊說鵲巢中

者佳鵲常入水冷故取以重卵令熟今不可得惟出漢中者其外形紫赤色內白如霜中央有白狀形如

齒者佳又出荊州新城郿房陵縣縹白赤者為好亦  
先以黃土包燒一日亦可納斧孔中燒之今玉壺諸  
凡仙經不言特生止是白礬石耳恭曰陶說中如齒  
白形者正是今出梁州北馬道戍澗中亦有之形塊  
小于白礬石而肌粒大數倍乃如小豆許其白礬粒  
細如粟米耳今房陵漢川均州荊州與白礬石同處  
有色青者是也宗奭曰博物志言鸛伏卵取礬石入  
巢助暖方家得此石乃真陶氏以注特生礬石則二  
石是一物明矣但屢檢鸛巢無此石况礬石焉得處  
處有之若鸛入水冷故取此石則鸛之類皆食于  
水亦自然生化繁息此則乃俗士之言未嘗究其實  
而窮其理也時珍曰礬石有數種白礬石蒼礬石紫  
礬石紅皮礬石桃花礬石金星礬石銀星礬石特生  
礬石俱是一物但以形色立名其性皆熱毒並可毒  
鼠制永惟蒼白二色入藥用諸礬生于山則草木不  
生霜雪不積生于水則水不冰凍或有溫泉其氣之

熱可知矣庚辛玉冊云礬陽石也生山谷水中濯出似礬有文理橫截在其中為佳伏大制砂永其狀頗與方解石相似但投水不冰者為真其出金穴中者名旌雪礬石

氣味甘溫有毒

之才曰火煉之良畏水

主治明目利耳腹內絕

寒破堅結及鼠瘻殺百虫惡獸久服延年

別錄

蒼石主

寒熱下氣瘰癧殺禽獸

別錄

發明

時珍曰別錄言礬石久服令人筋摩特生礬石久服延年丹書亦云礬石化為水能伏水銀煉

入長生藥此時方士謬說也與服礬石永長生之義同其死而無悔者乎

掘雪礬石

唐本草

集解

恭曰握雪礬石出徐州宋里山入土丈餘於爛

礬石一名化工石一名石腦云服之長生時珍曰謹按獨孤涵丹房鑑源云握雪礬石出曲灘澤盛寒時有髓生于石上可采一分結汞十兩又按南宮從岫嵯神書云石液即丹礬之脂液也此石出襄陽曲灘澤中或在山或在水色白而粗糯至冬月有脂液出其上旦則見日而伏當于日未出時以銅刀刮置器內火煖通赤取出褚汁為丸其液沾處便如鐵色以液一銖制水銀四兩器中火之立乾但此液亦不多得乃神理所惜采時須用白難清酒祭之此石華山嵩山皆出而有脂液者惟此曲灘又熊太古冀越集亦言丹山礬十兩可乾汞十兩此乃人格物之精發天地之秘也據三書所引則握雪礬石乃石之液非土中石腦也蘓恭所說自是石腦其說與別錄及陶弘景所注石腦相合不當復注于此又按諸書或作

礬石或作礬石未知孰是古書二字每每說混以理推之似是礬石礬石有毒礬石無毒故也

氣味甘溫無毒主治瘡冷積聚輕身延年多食令人

熱

唐本

治大風瘡

時珍

砒石

宋開寶

釋名信石

人言

綱目

生者名砒黃鍊者名砒霜

時珍曰砒

性猛如貔故名惟出信州故人呼為信石而又隱信字為人言

集解

頌曰砒霜不著所出郡縣今近銅山處亦有之惟信州者佳其塊有甚大者色如鵝子黃明徹

不離此類本處自是難得之物一兩大塊真者人競珍之不啻千金古服食方中亦載用之必得此類乃

可入藥其市肆所畜片如細屑亦夾土石入藥服之  
為害不淺承曰信州玉山有砒井官中封禁甚嚴生  
不夾石者色赤甚于雄黃以冷水磨解熱毒近火即  
殺人所謂不啻金價者此也今市貨者取山中夾砂  
石者燒烟飛作白霜乃辟屑而芒刺其傷火多者塊  
大而微黃所謂如鴉子色明徹者此也古方並不入  
藥惟燒煉丹石家用之近人多以治瘡但以瘡本傷  
暑而此物生者能解熱毒也今俗醫不究其理即以  
所燒霜服之必大吐下因此幸有安者遂為所損極  
多不可不慎初燒霜時人在上風十餘丈外立下風  
所近草木皆死又以和飯毒鼠死鼠猫犬食之亦死  
毒過于朱罔遠矣衡山所出一種力差劣于信州者  
宗奭曰今信鑿坑井下取之其坑常封鎖坑中有濁  
綠水先絞水盡然後下鑿取生砒謂之砒黃色如牛  
肉或有淡白路謂石非石謂土非土磨酒飲治積氣  
有火便有毒不可造次服也取法將生砒就置火上



以器覆之令烟上飛着器凝結纒然下垂如乳尖者  
入藥為勝平短者次之大塊乃是下等片如細屑者  
極下也時珍曰此乃錫之苗故新錫器盛酒日久能  
故人者為有砒毒也生砒黃以赤色者為良熟砒霜  
以白色  
者為良

### 修治

數曰凡使用以小瓷瓶盛後入紫背天葵石龍  
芮二味火煨從已至申便用甘草水浸從申至

子出拭乾入瓶再煨別研三萬下用時珍曰草家皆  
言生砒輕見火則毒甚而雷氏治法用火煨今所用  
多是飛鍊者蓋皆欲求速效不  
惜其毒也曷若用生者為愈乎

### 氣味苦酸暖有毒

時珍曰辛酸大熱有大毒大明曰  
畏綠豆冷水如入藥酸煮殺毒用

土宿真君曰砒石用草制鍊出金花成汁化銅乾永  
青鹽鶴頂草消石蒜水麥常山益母獨帚水律菖蒲

三角酸鵝不食草波  
稜蒿皆能伏砒

主治砒黃治瘧疾腎氣帶之辟蚤虱

大明

冷水磨服解

熱毒治痰壅

陳承

磨服治癖積氣

宗典

除齁喘積痢爛肉

蝕瘰癧瘰癧

時珍

砒霜療諸瘰癧風痰在胸膈可作吐

藥不可久服傷人

開寶

治婦人血氣衝心痛落胎

大明蝕

癰疽敗肉枯痔殺虫殺人及禽獸

時珍

發明

宗奭曰砒霜瘧家用或過劑則吐瀉兼作須煎綠豆汁煎冷水飲之徐純曰瘰癧丹多用砒霜大

毒之藥本草謂主諸瘰癧風痰在胸膈可作吐藥蓋以性之至烈大能燥痰也雖有燥痰之功大傷胸氣脾

胃虛者切宜戒之時珍曰砒乃大熱大毒之藥而砒霜之毒尤烈鼠雀食少許即死猫犬食鼠雀亦殆人服至一錢許亦死雖鉤吻射罔之力不過如此而宋人著本草不甚言其毒何哉此亦古者砒石之一種也若得酒及燒酒則腐爛腸胃頃刻殺人雖綠豆冷水亦難解矣今之收瓶酒者往往以砒烟熏瓶則酒不壞其亦嗜利不仁者哉飲酒潛受其毒者徒歸咎于酒耳此物不入湯飲惟入丹丸凡疾瘧及勑喘用此真有劫病立地之效但須冷水吞之不可飲食杯勺之物靜卧一日或一夜亦不作吐少物引發即作吐也其燥烈純熱之性與燒酒熾消同氣寒疾濕痰被其劫而怫鬱頗開故也今烟大家用少許則爆聲更大急烈之性可知矣此藥亦止宜于山野藜藿之人若嗜酒膏粱者非其所宜疾亦再作不慎口慾故爾凡頭瘡及諸瘡見血者不可用此其毒入經必殺人李樓奇方云一婦病心痛數年不愈一醫用人言

半分茶末一分白湯調下吐痰血一塊而愈得日華子治婦人血氣心痛之旨乎

附方

新舊

中風痰壅

四肢不收昏憤若醉砒霜如綠豆大研新汲水調下少許以熟

水投之大吐即愈未吐再服聖惠方

寒熱疔疾

孫真宗秘寶方用信砒二兩研粉寒水石

三兩別搗末用生鐵銚一箇鋪石末後鋪砒在上又以石末蓋之厚蓋覆定醋糊垂條塞封十餘重炭火

一斤煨之待紙條黑時取出候冷刮盡上砒末乳細粟米飯九綠豆大辰砂為衣每用三四九小兒一二

九發日早以臘茶清下一日不得食熱物男人患女人着藥入口中女人患男人着藥入口中本方

用人言一錢綠豆末一兩為末無根井水丸綠豆大黃丹為衣陰乾發日五更冷水下五七丸衛生寶

鑑一剪金用人言醋煮硫黃綠豆等分為末每一豆許用紅絹包之采絲扎定每剪下一粒新汲水空心

吞下治瘧聖藥也 醫藥元戎九轉靈砂丹用砒霜黃丹紫河車各一錢為末雄黑豆一百粒水浸一夜

研泥和九梧子綠豆黍米三樣大每服一二十九發日五更向東無根水下紫河車綠豆黑豆皆解砒毒

也 本草權度不二散用砒一錢麩二兩和勻香油一斤煎黃色以草紙壓去油入茶三兩為末每服一

錢發日早 一切積利 砒霜黃丹等分蠟和收旋九綠冷茶下 豆大每米飲下三九 普濟方

休息下痢 經一二年不瘥羸瘦衰弱砒霜成塊者為末黃丹各半兩化蠟入砒以柳條覺焦則

換至七條取起收之每旋九梧子大 脾疼腰痛即上冷水送下小兒黍米大 和劑局方 方用

冷水 婦人血氣 心痛方見 走馬牙疳 惡瘡砒石銅綠發明下 等分為末攤紙

上貼之其效如神 又方砒霜半兩醋調如糊益內盛待乾刮下用粟米大綿裹安齒縫來日取出有蟲

自死久患者不過三

項上瘰癧

梁州砥黃研末濃墨汁丸梧子大銚內炒

乾竹筒盛之每用針破將藥半丸貼之自落蝕盡為度

靈苑方

痰喘齁齕

方見救部鼓下

一切漏瘡

有孔用信石新瓦火煨研末以津調少許於紙摺上挿入蝕去惡管漏多勿齊上最

妙急  
救易方

土黃

綱目

修治

時珍曰用砥石二兩木鼈子仁巴豆仁各半兩  
硃砂二錢為末用木鼈子油石腦油和成一塊

油裹埋土坑內四十九日  
取出劈作小塊籤器收用

氣味辛酸熱有毒

獨孤涵曰土黃制雄黃

主治枯癰贅痔乳食癭瘰并諸瘡惡肉

時珍

金星石

宋嘉祐

附銀星石

集解

頌曰金星石銀星石並出濠州并州米無時二石主療大體相似宗輿曰二石治大風疾別有

法須燒用之金星石生於蒼石內外有金色麤片銀星石有銀色麤片又一種深青色堅潤中有金色如麤片者不入藥用工人屨為器或婦人首飾用時珍曰金星有數種蘓頌所說二石武當山亦有之或云金星出膠東銀星出雁門蓋亦礫石之類也寇宗奭所說二石治大風者今考聖惠方大風門皆作金星礫石銀星礫石則似是礫石之類丹方鑑源礫石篇中亦載二石名似與蘓說者不同且金星銀星無毒主熱涎血病礫石則有毒主風癩疾觀此則金星銀星八藥各有二種矣又欽州硯石亦有金星銀星者

璚州亦出金星石皆可作硯翡翠石能屑金亦名金星石此皆名同物異也劉河間宣明方點眼藥方中用金精石銀精石不知即此金星銀星否也

氣味甘寒無毒主治脾肺壅毒及肺損吐血嗽血下

熱涎解衆毒

嘉祐

水磨少許服鎮心神不寧亦治骨哽

時珍

附方新吐血嗽血

肺損者金星石銀星石玄精石不灰水陽起石雲母石等分用坩

一箇鋪冬月水牛糞一二寸鋪藥一層鋪灰二寸又藥一層重重如此以灰蓋之鹽泥固濟用炭一秤火煨一日夜埋土中一夜取出藥塊去灰為末每一兩入龍腦麝香各半錢阿膠二錢半炒每服一錢糯米



湯下日三服

聖惠方

# 大風蟲瘡

有五色蟲取諸石九用金

餘糧石滑石陽起石慈石凝水石蜜陀僧自然銅龍  
涎石等分搗碎瓶盛鹽泥固濟之炭火十斤煨過為

末醋糊九小豆大每服十五丸白蛇酒  
下一日三服以愈為度 太平聖惠方

# 附錄金石

拾遺藏器曰味甘溫無毒主久羸瘦不能  
食無顏色補腰脚冷令人健壯益陽有暴

熱脫髮飛鍊服之生五臺山清  
涼寺石中金屑作赤褐色也

# 婆娑石

宋開寶

# 釋名摩挲石

時珍曰姚西溪叢話云船舶過產石山  
下愛其石以手捫之故曰摩挲不知然

否

集解

志曰婆娑石生南海胡人采得之其石綠色無  
班點有金星磨成乳汁者為上又有豆班石雖

亦解毒而功力不及復有鄂綠有文理磨鐵成銅色  
人多以此為之非真也驗法以水磨點雞冠熱血當  
化成水是也宗奭曰石如淡色石綠間微有金星者  
佳又有豆班石亦如此石但有黑班點無金星頌曰  
胡人尤珍貴之以金裝飾作指環帶之每欲食及食  
罷輒含吮數次以防毒今人有得指面許塊則價直  
百金也時珍曰庚辛玉冊云摩挲石陽石也出三佛  
齊海南有山五色聳峙其石有光焰其水下滾如箭  
船過其下人以刀斧擊取曉之作疏黃氣以形如  
黃龍齒而堅重者為佳匱五金伏三黃制鉛汞

氣味甘痰寒無毒

主治解一切藥毒瘴疫熱悶頭痛

開寶

礞石

宋嘉祐

釋名青礞石

時珍曰其色濛濛然故名

集解

時珍曰礞石江北諸山往往有之以盱山出者為佳有青白二種以青者為佳堅細而青黑打

開中有白星點煨後則星黃如麤金其無星點者不入藥用通城縣一山產之工人以為器物

修治

時珍曰用大坩鍋一箇以礞石四兩打碎入消石四兩拌勻炭火十五斤簇定煨至消盡其石

色如金為度取出研末水飛去消毒晒乾用

氣味甘鹹平無毒

主治食積不消留滯臟腑宿食癥塊久不瘥小兒食

積羸瘦婦人積年食癥攻刺心腹得已豆廔砂大黃

荊三稜作丸服良

嘉祐

治積痰驚癇欬喘急

時珍

發明

時珍曰青礞石氣味平鹹其性下行陰也沉也乃厥陰之藥舟經風木大過來制脾上氣不運

化積滯生痰壅塞上中二焦變主風熱諸病故宜此藥重墜制以消石其性踈快使木平氣下而痰積通利諸證自除湯銜嬰孩寶鑑言礞石乃治驚利痰之聖藥吐痰在水上以石末糝之痰即隨水而下則其沉墜之性可知然止可用之救急氣弱脾虛者不宜久服楊士瀛謂其功能利痰而性非胃家所好如慢驚之類皆宜佐以木香而王隱君則謂痰為百病不論虛實寒熱驟用滾痰丸通治百病豈理也哉朱丹溪言一老人忽病目盲乃大虛證一醫與礞石藥服之至夜而死吁此乃盲醫虛虛之過礞石豈殺人者

乎況目盲之病與礫石並不相干

附方

新

滾痰丸

通

治痰為百病

惟水瀉雙

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

礫石煨過研飛晒乾

一兩大黃酒蒸八兩黃芩酒洗八兩沉香五錢為末  
水丸梧子大常服一二九欲利大便則服一二百

九溫水下王一切積病金寶神丹治一切虛冷久  
隱君養生主論一切積病積滑泄久痢癖塊血刺心

腹下痢及婦人崩中瀉下青礫石半斤為末消石末  
二兩坩鍋內鋪頭蓋底按實炭火二十斤煨過取出

入赤石脂末二兩滴水九炙子大候乾入坩鍋內下  
火煨紅收之每服一九至二九空心溫水下少許

壓之久病瀉痢加至五急慢驚風奪命散治急慢驚  
七丸楊氏家藏方急慢驚風奪命散治急慢驚

命在須臾服此隆下風痰乃治驚利痰之聖藥也真  
礫石一兩煨消一兩同煨過為末每服半錢或一錢

急驚痰熱者薄荷自然汁入生蜜調下慢驚脾虛者木香湯入熟蜜調下亦或雪羔九綠豆大每服二三

九 湯氏  
嬰孩寶鑑

小兒急驚  
青礞石磨水  
服 衛生方

花乳石

宋嘉祐

釋名花葉石

宗奭曰黃石中間有淡白點以此得花之名圖經作花葉石是取其色黃也

集解

禹錫曰花乳石出陝華諸郡色正黃形之大小方圓無定頌曰出陝州閿鄉體至堅重色如礪

黃形塊有極大者陝西人鑄為器用采無時時珍曰玉冊云花乳石陰石也生代州山谷中有五色可代

丹砂 匱藥蜀中汶山彭縣亦有之

修治

時珍曰凡入丸散以錐固濟頂火煅過出火毒研細水飛晒乾用

氣味酸澆平無毒

主治金瘡出血刮末傅之即合仍不作膿又療婦人

血運惡血

嘉祐

治一切失血傷損內漏目昏

時珍

發明

頌曰

花藥石古方未有者近世以此合硫黃同

及煨治者

但刮末傅之亦效

時珍曰花藥石舊無氣

味今嘗試之

其氣平其味澆而酸蓋厥陰經血分藥

也其功專于止

血能使血化為水酸以收之也而又

能下死胎落胞衣去惡血

惡血化則胎與胞無阻滯

之患矣東垣所謂胞衣不出

瀉劑可以下之故赤石

脂亦能下胞胎與此同義

葛可久治吐血出升斗有

花藥石散和劑局方治諸血及損傷金瘡胎產有花

藥石散皆云能化血為水則此石之功蓋非尋常草

木之  
比也

附方

新

花藥石散

治五內崩損噴血出斗升用此治之  
花藥石散存性研如粉以童子

小便一鍾男入酒一半女入醋一半煎溫食後調復  
三錢甚者五錢能使瘀血化為黃水後以獨參湯補

之葛可久

花藥石散

治一切金刃箭簇傷及打撲  
傷損狗咬至死者急以藥摻

十藥神書

傷處其血化為黃水再摻便活更不疼痛如內損血  
入臟腑煎童子小便入酒少許熱調一錢服立效

牲抵傷腸出不損者急納入桑白皮線縫之摻藥血  
止立活婦人產後及血不盡血運惡血奔心胎死腹

中胎衣不下至死但心頭溫暖者急以童子小便調  
服一錢取下惡物如猪肝終身不患血風血氣若隔

上有血化為黃水即時吐出或隨小便出甚效  
四兩花藥石一兩並為粗末拌勻以膠泥固濟日乾



瓦罐一箇盛之泥封口焙乾安在西方磚上磚上書八卦五行字用炭一種簇匝從巳午時自下生火服至炭消冷定取出為細末

**金瘡出血**

方見

多年障翳

瓶收用之

和劑局方

花藥石水飛焙防風川芎蕪甘菊花白附子牛蒡子各一兩甘草炙半兩為末每服半錢臘茶下

衛生

家寶

**腳縫出水**

好黃丹入花藥石末摻之談野翁試效方

**白羊石**

宋圖經

**集解**

頌曰生兗州白羊山春中掘地采之以白瑩者為良又有黑羊石生兗州宮山之西亦春中掘

地采之以黑色有牆壁光瑩者為上

**氣味淡生涼熟熱無毒**

主治解藥毒黑羊石同

頌蘓

金牙石

別錄  
下品

釋名黃牙石

時珍曰  
象形

集解

別錄曰金牙生蜀郡如金色者良弘景曰今出蜀漢似粗金大如碁子而方又有銅牙亦相似

但外黑內色小淺不入藥用恭曰金牙離本處入土水中久皆黑色不可謂之銅牙也此出漢中金牙湍湍兩片石間打出者內即金色岸頽入水久者皆黑近南山溪谷茂州維州亦有勝于漢中者頌曰今雍州亦有之時珍曰崔昉本草云金牙石陽石也生川陝山中似蜜粟子有金點形者妙聖濟經治癰風大方中用金牙石銀牙石銀牙石恐即金牙石之白色者爾方書並無言及者姑闕

修治

大明曰入藥燒亦去粗乃用

氣味鹹平無毒

大明曰甘平

主治鬼疰毒蟲諸疰

別錄

治一切冷風氣筋骨攣急腰

脚不遂燒浸酒服

甄權

煖腰膝補水臟驚悸小兒驚癇

大明

發明

弘景曰金牙惟酒散及五疰丸用之餘方少用頌曰葛洪肘後方治風毒厥有大小金牙酒但

浸其汁飲之孫思邈千金方治風毒及鬼疰南方障氣傳尸等各有大小金牙散之類是也小金牙酒主風疰百病虛勞濕冷緩弱不仁不能行步近人用之多效故著其法云金牙細辛莽草防風地膚子地黃

附子茵陳續斷蜀椒蒴藿根各四兩獨活一斤十二  
物金牙搗末別盛練囊餘皆薄切同入一大囊以清

酒四斗漬之密器泥口四宿  
酒成溫服二合日二次取效

# 金剛石

綱目

## 釋名金剛鑽

時珍曰其砂可以鑽  
玉補瓷故謂之鑽

## 集解

時珍曰金剛石出西番天竺諸國葛洪抱朴子  
云扶南出金剛生水底石上如鍾乳狀體似紫

石英可以刻玉人沒水取之雖鐵椎擊之亦不能傷  
惟羚羊角扣之則漉然水泮丹房鑑源云紫背鉛能

碎金剛鑽周密齊東野語云玉人攻玉必以邢河之  
砂其鑄鍊之具有金剛鑽者其形如鼠矢青黑色如

石如鐵相傳出西域回紇高山頂上鷹帶食入腹中  
遺糞于河北砂磧間往往得之然竟莫知為何物也

記云大秦國出金剛一名刺玉刀大者長尺許小者如稻黍着環中可以刺玉觀此則金剛有甚大者當僧以克佛牙是也欲辨真偽但燒赤淬醋中如故不酥碎者為真若覺鈍則煅赤冷定即銳也故西方以金剛喻佛性羚羊角喻煩惱十洲記載西海流砂有昆吾石治之作劍如鐵光明如水精割玉如泥此亦金剛之大者又獸有獬及啗鐵狡兎皆能食鐵其糞俱可為兵切玉詳見獸部獬下

主治磨水塗湯火傷作釵鐸服辟邪惡毒氣

時珍

砭石

音遙  
綱目

釋名鐵石

集解

時珍曰按東山經云高氏之山鳧麗之山皆多鐵石郭璞注云可為砭鐵也素問異法方宜論

云東方之域魚鹽之地海濱嘯水其病為瘡瘍其治宜砭石故砭石亦從東方來王水注云砭石如玉可以為鍼蓋古者以石為鍼季世以鍼代石今人又以瓷鍼刺病亦砭之遺意也但砭石無識者豈即石砭之屬為之歟

附錄石砭

時珍曰石砭出肅慎國人以枯木為矢青石為鏃施毒中人即死石生山中禹貢荆

州梁州砭貢砭即此石也又南方藤州以青石為刀劍如銅鐵婦人用作環玦琉璃國人墾田以石為刀長尺餘皆此類也

主治刺百病癰腫

越砥

別錄中部

釋名磨刀石

藏器

羊肝石

綱目

礪石

時珍曰

尚書

荊州

砥

注云

砥以

細

細

密為名礪以粗礪為稱俗稱者為羊肝石因  
形色也弘景曰越砥今細礪石也出臨平

氣味甘無毒

主治目盲止痛除熱瘡

本經

磨汁點目除障翳燒赤投

酒飲破血癥痛切

藏器

礪石主治破宿血下石淋除結癥伏鬼物惡氣燒赤

投酒中飲之人言溺之患帶下未知所由

藏器

磨刀塗

一名龍白泉粉

主治傳蠅蝮尿瘡有效

藏器

塗瘰癧結

核珍時

薑石

唐本草

釋名硃礪石

時珍曰薑石以形名或作硃礪邵伯溫云天有至戾地有至幽石類得之則為

礪礪是也俗作硃礪

集解

恭曰薑石所在有之生土石間狀如薑有五種以色白而爛不礪者良齊城歷城東者好采無時宗輿曰所在皆有須不見日色旋取微白者佳

氣味鹹寒無毒主治熱踈豆瘡丁毒等腫

唐本

附方

舊二新三

丁瘡腫痛

白薑石末和雞子清傅之乾乳即易丁自出神驗崔氏方

癰腫大

如益腫痛方同上外臺祕要

產後脹衝

氣噎硃礪石等分為末醋糊



九梧子大每服三十九  
醋湯下  
潔古保命集

通身水腫  
薑石燒赤納黑  
牛尿中熟服日

飲一升  
千金方

麥飯石

宋圖  
經

釋名

時珍曰  
象形

集解

時珍曰李迅云麥飯石處處山溪中有之其石  
大小不等或如拳或如鵝卵或如盞或如餅大

畧狀如掘聚一團麥飯有粒點如豆如米色黃白  
但於溪間麻石中尋有此狀者即是古方云曾作磨  
者佳誤矣此石不可作磨若無此石但以  
舊麪磨近齒處石代之取其有麥性故耳

氣味甘溫無毒

# 主治一切癰疽發背時珍

發明

頌曰大凡石類多主癰疽世傳麥飯石膏治發背瘡甚效乃中岳山人呂子華祕方裴員外啗

之以名第河南尹魯之以重刑呂寧絕喋望守死不傳其方取此石碎如碁子炭火燒赤投米醋中浸之如此十次研末篩細入乳鉢內用數人更碾五七日要細膩如麪四兩鹿角一具要生取連腦骨者其自脫者不堪用每二三寸截之炭火燒令烟盡即止為末研細二兩白欬生研末二兩用三年米醋入銀石器內煎令魚目沸旋旋入藥在內竹枝子不住攪熬一二時久稀稠得所傾在盆內待冷以紙蓋收勿令塵入用時以鵝翎拂膏于腫上四圍赤處盡塗之中留錢大洩氣如未有膿即內消已作頭即撮小已潰即排膿如湍水若病久肌肉爛落見出筋骨者即塗細布上貼之乾即易逐日瘡口收斂但中隔不穴者

即無不瘥已潰者用時先以猪蹄湯洗去膿血故帛  
挹乾乃用藥其瘡切忌手觸動嫩肉仍不可以口氣  
吹風及肢氣月經有孕人見之合藥亦忌此等初時  
一日一洗一換十日後二日一換此藥要極細方有  
效若不細塗之即極痛也此方孫真人千金月令已  
有之但不及此詳悉耳又北齊馬嗣明治楊遵彥背  
瘡取用黃石如鵝卵大者猛火燒赤納濃醋中當有  
屑落醋中再燒再淬石至盡取屑日乾擣篩極細末  
和醋塗之立愈劉禹錫傳信方  
謂之鍊石法用傳瘡腫無不驗

## 水中白石

拾遺

### 集解

時珍曰此石處處溪澗中有之大者如雞子  
小者如指頂有黑白二色入藥用白小者

主治食魚鱸多脹滿成瘕痛悶日漸羸弱取數十枚

燒赤投五升水中七徧熱飲如此三五度當利出瘕也又燒淬水中納鹽三合洗風癢癰疹藏器治背上忽腫如盤不識名者取一二盞燒熱投水中頻洗之立

瘥

頌燕

發明

時珍曰昔人有煮石為良法即用此石也其法用胡蔥汁或地榆根等煮之即熟如芋謂之石

羹抱朴子云洛陽道士董威辟穀方用防風子甘草之屬十許種為散先服三方寸七乃吞石子如雀卵十二枚足百日不食氣力顏色如故欲食則飲葵湯下去石子又有赤龍血青龍膏皆可煮石又有引石散投方寸七可煮白石子一斗立熟如芋可食

河沙

拾遺

釋名

砂小石也字從少石會意

主治石淋取細白沙三升炒熱以酒三升淋汁服一合日再服又主絞腸沙痛炒赤冷水淬之澄清服一

二合

時珍

風濕頑痺不仁筋骨攣縮冷風癰緩血脈斷

絕六月取河砂烈日暴令極熱伏坐其中冷即易之

取熱徹通汗隨病用藥切忌風冷勞役

藏器

附方

新

一人溺水死

白沙

炒覆死人面上下惟

露七孔

冷濕即易

千金

杓上砂

綱目

集解

時珍曰此淘米杓也  
有木杓瓢杓皆可用

主治面上風粟或青或黃赤隱暗澀痛及人唇上生

瘡者本家杓上刮去唇砂一二粒即安又婦人吹乳

取砂七枚溫酒送下更以炊帚枝通乳孔此皆莫解

其理

時珍

石燕

唐本草

集解

李勣曰石燕出零陵恭曰永州祁陽縣西北一  
十里有土岡上掘深丈餘取之形似蚌而小堅

重如石也俗云因雷雨則自石穴中出隨雨飛清者  
妄也頌曰祁陽縣江畔沙灘上有之或云生洞中凝  
僵似石者佳采無時宗奭曰石燕如蜺蛤之狀色如  
土堅重如石既無羽翼焉能飛出其言近妄時珍曰  
石燕有二一種是此乃石類也狀類燕而有文圓大  
者為雄長小者為雌一種是鍾乳穴中石燕似蝙蝠  
者食乳汁能飛乃禽類也見禽部禽石燕食乳食之  
補助與鍾乳同功效故方書助陽藥多用之俗人不知  
往往用此石為助陽  
藥刊于方冊誤矣

### 氣味甘涼無毒

主治淋疾煮汁飲之婦人難產兩手各把一枚立驗

唐  
本療眼目障翳諸般淋瀝久患消渴臟腑頻瀉腸風

痔瘻年久不瘥面色虛黃飲食無味婦人月水湛濁  
赤白帶下多年者每日磨汁飲之一枚用三日以此  
為準亦可為末水飛過每日服半錢至一錢米飲服

至一月諸疾悉平

時珍

發明

時珍曰石燕性涼乃利竅行濕熱之物宋人修  
本草以食鍾乳禽石燕混收入此石燕下故世

俗誤傳此石能助陽  
不知其正相反也

附方

舊三  
新七

傷寒尿瀉

小腹脹滿石燕為末葱白湯調  
半錢脹通為度見聖惠方

小便淋痛

石燕子七枚搗泰米大新桑根白皮三兩  
剉拌勻分作七帖每帖用水一盞煎七分



服空心中午前一服  
簡要海衆血淋心煩  
石燕等今為末每服一錢蔥白

湯調下聖惠方  
久年腸風石燕磨水常服  
勿歌靈苑方赤白帶下  
多年不止

石燕一枝磨水服立  
徐氏家傳方  
襁褓吐乳為末以蜜調少許塗

唇上日三五次  
衛生寶鑑  
牢牙止痛石燕三對火煨醋淬七次  
青鹽乳香各一兩細辛半

兩為末指之荊芥湯漱口  
一方去乳香細辛加麝香  
齒疎不堅石燕子五對火

為末青鹽麝香各少許  
牙後以溫酒漱燕之  
元遺山方  
服石發動石燕

簡打碎水煮  
頻洗聖濟  
拳毛倒睫  
摘去拳毛石燕一雌一雄磨水  
點後以黃連水洗  
乾坤生靈

石蟹  
宋開寶

集解

志曰石蟹生南海云是尋常蟹爾年月深久水沫相着因化成石每遇海潮即漂出又有一種

入洞穴年深者亦然皆細研水飛入諸藥相助用之  
頌曰近海州郡皆有之體質石也而都與蟹相似但有泥與粗石相着爾時珍曰按顧玠海槎錄云崖州榆林港內半里許土極細膩最寒但蟹入則不能運動片時成石矣人獲之名石蟹置之几案云能明目也復有石蝦似蝦出海遶石魚似魚出湘山縣石魚鰕並不入藥用一統志言鳳翔汧陽縣西有山魚隴掘地破石得之云可辟蠹

氣味鹹寒無毒

主治青盲目淫膚腎丁腎漆瘡

問實

解一切藥毒并蠱

毒天行熱疾催生落胎療血運並熱水磨服

大醋摩

傳癰腫熟水磨服解金石毒

蘇頌

附方

新

一喉痺腫痛

石蟹磨水飲并塗喉外聖濟錄

石蛇

宋圖經

集解

頌曰石蛇出南海水旁山石間其形盤屈如蛇無首尾內空紅紫色以左盤者良又似車螺不

知何物所化大抵與石蟹同類功用亦相近宗奭曰石蛇色如古牆上土盤結如查梨大空中兩頭巨細一等不與石蟹同類蟹則真蟹所化蛇非真蛇今人用之絕少時珍曰按姚寬西溪叢話云南恩州海邊有石山背每蟹過之則化為石蛇亦真蛇所化此說不知果否若然則石蛇亦真蛇所化

氣味鹹平無毒主治解金石毒

蘇頌

石蠶

宋開寶

釋名石僵蠶

綱目

集解

志曰石蠶生海岸石旁狀如蠶其實石也

氣味苦熱無毒

藥訣曰苦熱有毒獨孤溜曰制丹砂

主治金瘡止血生

肌破石淋血結磨服當下碎石

開寶

石蠶

綱目

集解

時珍曰石蠶生海邊形狀大小儼如廣虫蓋亦化成者廣虫俗名土蠶

氣味甘涼無毒

主治淋疾血病磨水服時珍

蛇黃

唐本草

集解

恭曰蛇黃出嶺南蛇腹中得之圓重如錫黃黑青雜色志曰蛇黃多赤色有吐出者野人或得

之頌曰今越州信州亦有之今醫所用云是蛇冬蟄時所含土到春於蟄吐之而去大如彈丸堅如石外黃內黑色二月采之與舊說不同未知孰是時珍曰蛇黃生腹中正如牛黃之意世人因其難得遂以蛇含石代之以其同出於蛇故爾廣西平南縣有蛇黃圖土人九月掘下七八尺始得蛇黃大者如雞子小者如彈丸其色紫黑辛玉冊云蛇含自是一種石云蛇入蟄時含土一塊起蟄時化作黃石不稽之言也

有人掘蛇窟尋之並無此說

修治

大明曰入藥燒赤醋淬  
三四火研末水飛用

氣味冷無毒

主治心痛痙忤石淋小兒驚癇婦人產難以水煮研

服汁

唐本鎮心明磨汁塗腫毒

時珍

附方

新

暗風癰疾

忽然仆地不知人事良久方醒蛇  
黃火煨醋淬七次為末每調酒服

二錢數服愈年深者

驚風癰疳

神穴月治急驚風癰  
疾天吊疳熱等證用

紫一兩朱砂半兩麝香一錢為末糯粉糊九莖子大

鐵

漆盤晒乾看之每九有一小穴故名神穴丹每服小

一丸薄荷酒化下立醒疳熱冷水化下  
靈苑方

兒項軟

因風虛者蛇含石一塊煨七次醋淬七次研鬱金等分為末入麝香少許白米飯九龍眼

大每服一九薄荷湯化服一日一服活幼全書

瘡瘡鬼瘡

食瘡蛇含石末一兩信石末一

兩研勻入水火鼎內上以蓋蓋六一泥固濟煨至藥升在蓋刮下為末米糕糊丸綠豆大雄黃為衣每服

一九黑豆研水五更送下摘玄方

血痢不止

蛇含石二枚火煨醋淬末每服三錢米飲下

普濟方腸風下血

脫肛蛇黃二顆火煨醋淬七次為末每服三錢陳米飲下普濟方

霹靂礮

拾遺

釋名雷楔

時珍曰舊作針及屑誤矣

集解

藏珍曰此物伺候震處掘地三尺得之其形非一有似斧刀者對刀者有穴二孔者一云出雷

州并河東山澤間因雷震後得者多似斧色青黑班  
文至硬如玉或言是人間石造納與天曹不知事實  
時珍曰按雷書云雷斧如斧銅鐵為之雷砮似砮乃  
石也紫黑色雷鉞重數斤雷鑽長尺餘皆如銅鐵雷  
神以劈物擊物者雷環如玉環乃雷神所珮遺落者  
雷珠乃神龍所含遺下者夜光滿室又博物志云人  
間往往見細石形如小斧名霹靂斧一名霹靂楔玄  
中記云玉門之西有一國山上立廟國人年年出鑽  
以給雷用此謬言也雷雖陰陽二氣激薄有聲實有  
神物司之故亦隨萬物啟蟄斧鑽砮鉞皆實物也若  
曰在天成象在地成形如星隕為石則雨金石雨粟  
麥雨毛血及諸異物者亦在地成形者乎必太虛中  
有神物使然也陳時蘓紹雷鉞重九斤宋時沈括于  
震木之下得雷楔似斧而無孔鬼神之道幽微誠不  
可究  
極



主治無毒主大驚失心恍惚不識人并石淋磨汁服

亦煮服作枕除魔夢不祥

藏器

刮末服主療疾殺勞虫

下蠱毒止洩泄置箱簣間不生蛀虫諸雷物珮之安

神定志治驚邪之疾

時珍出雷書

雷墨

綱目

集解

時珍曰按雷書云凡雷書木石謂木札入二三


之或云蓬雷山石脂所書雷州每雷雨大作飛下如沙石大者如塊小者如脂堅硬如石黑色先豔至重劉恂嶺表錄云雷州驟雨後人于野中得石如蠶石謂之雷公墨扣之錚然光瑩可愛又李肇國史補云

雷州多雷秋則伏蟄狀如人掘  
取食之觀此則雷果有物矣

主治小兒驚癇邪魅

諸病以桃符湯磨服即安

時珍



本草綱目卷十